

劉禹錫

全唐文  
卷六百之六百三

竹居殺屢



欽定全唐文卷六百目錄

劉禹錫

二 賀皇帝表 愈表

擬冊皇太子文 魯王表

擬冊齊王文 太子表


擬冊楚王文 表

擬冊邠王文 表 表 表

擬冊晉王文 表 表 表 表

擬公主冊文

賀冊太皇太后表



欽定全唐文 卷六百 目錄

賀冊皇太后表

賀登極表

代李相公賀登極第一表

代李相公賀登極第二表

賀冊皇太子表

蘇州賀冊皇太子表

為裴相公賀冊魯王表

蘇州賀皇帝疾愈表

賀改元赦表

賀赦表

賀德音表

連州賀赦表

賀赦表

賀收蔡州表

代京兆李尹賀遷獻懿二祖表

爲京兆李尹賀雨表

爲京兆韋尹賀元日祥雪表

爲京兆韋尹賀春雪表

爲京兆韋尹賀雨止表

爲京兆韋尹賀祈晴獲應表

爲杜相公賀復吳少誠官爵表

爲杜相公賀除虔王表

賀雪鎮州表

賀平淄青表

賀臬斬鄭注表

慰國哀表

慰淄王薨表

欽定全唐文卷六百

劉禹錫

擬冊皇太子文

維某年月日皇帝若曰於戲易云明兩作離大人以繼明  
照於四方蓋所以毓其明德繼於正體邦本由是固萬方  
由是寧粵祖宗之闡帝業亦莫不由此而繼於明德肆予  
一人緒承大寶纂奉丕構懼有失墜以貽先帝之羞永懷  
主器以繼明用副予不德咨爾元子王某襲列聖之姿體  
健行之質吹銅稟異辨日耀奇早習德成克敬師保事業

可大和順積中入縱溫文生知孝悌洎分茅土望出東平  
符彩昭彰禮樂文錯固可正位重震爲天下之儲君人神  
叶從德任相稱仰稽令典光載盛儀是用冊命爾爲皇太  
子往欽哉夫富貴莫大於家天下忠孝莫大於敬君親俟  
爾一人貞於萬國必咨正事必近正人必杜逸遊必樂善  
道求諫如不及惡佞如探湯懋爾厥修惟懷克和以貳於  
朕躬無忝祖宗之烈可不慎歟

擬冊齊王文

維某年月日皇帝若曰啟茲東國境於青州略嶠夷導澠



淄鹽絺貢庭檠絲入筐粵在少昊爲爽鳩之域沃若殷商  
乃薄姑之邱周實太公之國積海岱之饒習戎革之盛因  
俗簡禮其政易成咨爾第二子某直諫多聞溫裕有立樂  
於爲善力其未能行本貞廉言依忠孝固可錫茲青社俾  
藩於東是用命使某官某乙持節冊命爾爲齊王往欽哉  
宜聽朕命夫敬人可以理國後已可以得人謂己不明任  
賢良以爲明謂己不德資師傅以爲德國安則備爾忠孝  
人散則忝爾君親慎乃厥修無替休命

擬冊楚王文

惟某年月日皇帝若曰衡嶽峙靈雲夢潤德錫十朋以備  
神物包三脊以供王祭浮江潛漢實曰渚宮俗輕而佻上  
難其化咨爾第三子某正性自得懿行克修曠淡居心寬  
裕推已移此成器綏於荆蠻錫爾赤社以屏南土是用命  
使某官某乙持節冊命爾爲楚王往欽哉宜聽朕命於戲  
布政在寬革俗先信分吾之憂以惠黎庶勵爾之志以報  
君親爲子爲臣克忠克孝臻於二德在理一邦祇敬勿休  
無忝我命

擬冊邠王文

惟某年月日皇帝若曰朕讀詩至豳風見古公亶父之跡  
然後知王業之難仰惟我高祖太宗之櫛沐風雨以啟天  
下是用兢惕若墜泉谷豳之舊地積德之餘俗厚而忠人  
悅其上王於茲土克懋賢戚咨爾第四子某質重性和神  
清氣茂威儀儼若恬淡寡言介然風規坐鎮流俗固可將  
吾勤儉宣化豳郊錫爾白社藩於西土是用命使某官某  
乙持節冊命爾爲邠王往欽哉宜聽朕命於戲播種者后  
稷公劉之業善繼者古公亶父之志積德行義國人戴之  
詩有七月之章非惟王業艱難亦俗阜化成之風也爾其

日夜思之訓以溫柔之教無奪農時使獨戴周德以忝我一人之命

擬冊晉王文

維某年月日皇帝若曰涉河之東千里而廣右浸衛水左據常山蒲阪唐堯所封之邱歷山虞舜隱耕之地晉陽我高祖誓眾之野本晉國也而謂之唐其人憂深思遠有帝堯之遺風焉故我國家因之以啟王業將我朝政保茲舊邦克建戚藩以任賢德咨爾第五男某和裕秉質端貞理身撝謙似不能好善如不足行歸於厚口無擇言本孝克

家資忠體國固可嚴奉啟聖之域綏懷積德之邦錫爾黑  
社以藩於北是用命使某官某乙持節冊命爾爲晉王往  
欽哉宜聽朕命於戲踐唐堯之地理虞舜之人開高祖之  
域爾其兢兢底慎以臨其人思流愷悌之風祇敬興王之  
地無一舉足以忘我祖宗艱難之業往利厥土以孚於休

擬公主冊文

惟某年月日皇帝若曰桃李發詠雲日連輝禮秩克柔肅  
雍載美築館大國建號名邦乃躅通規用光懿範咨爾長  
女金枝寵愛玉質輝奇蘊異體和含章挺秀柔順懿德幽

閑可貞已及初笄言從下嫁主之以同姓叔父配之以貴  
族聞人式遵舊儀錫是土宇是用命使某官某持節冊命  
爾爲某公主於戲何彼穠矣詩之國風蓋美王姬能成婦  
道爾其克念以敬所從無忝我之休命不其猗歟

賀冊太皇太后表

臣某言伏見制書以二月十八日冊立太皇太后徽章克  
備慶賜遠行榮冠古今澤周寰海伏惟皇帝陛下纘承列  
聖歡奉兩宮太皇太后含飴保和重光疊慶漢儀盛於長  
信周祚興於大任方之聖朝彼有慚德臣遠守巴峽不獲

稱賀闕庭無任抃躍屏營之至

賀冊皇太后表

臣某言伏見制書以二月二十五日冊立皇太后盛禮畢  
陳德音遠被一人有慶萬國同歡中賀伏惟皇太后稟靈  
作合誕聖表祥徽號極域中之尊至仁爲天下之母陛下  
君臨有國子道無違長樂宮中永獻南山之壽濯龍門上  
再揚東漢之風率土臣子不勝歡抃臣遠守荒服不獲稱  
慶闕庭無任踊躍屏營之至

賀登極表

臣某言伏見詔書正月二十六日皇帝陛下嗣登寶位萬國同歡日月繼明乾坤交泰中賀伏惟皇帝陛下欽承顧命惟懷永圖以大孝奉宗祧以至仁蘇品物洞照寰海統和神人聖祚延長從今無極羣生鼓舞自此大寧臣限守遐藩恪居官次不獲奔馳拜舞稱賀闕庭無任抃躍屏營之至

代李相公賀登極第一表

臣某言臣伏聞陛下式遵典章正位宸極臣聞大明繼照雖昧者必昭其視震雷發聲雖聵者必達其聽是以聖人



鼓萬物而耳目咸革感人心而天下太平致理興邦率由  
茲道中賀伏惟陛下紹累聖之鴻緒冠前王之盛烈祥符  
薦委景福攸臻纂武繼文重光累洽自宣猷上嗣育德儲  
闡仁孝表於域中慈儉章於天下由是餒者思食瘠者思  
豐矧爽咸耀於光明枯朽更延於惠澤禹禹億兆咸沐惟  
新鼓舞而四表歡心運行而二儀貞觀臣夙承朝獎謬列  
藩條歡抃之誠倍萬恆品

代李相公賀登極第二表

臣某言臣聞帝堯之禪虞舜也業歸乎異代漢祖之尊太

上也禮徇乎虛名有棄屣而傳七廟之重斯則堯圖非遠  
漢道未全卓哉冠鴻名而超古始者孰若今之盛也陛下  
孝至通三上極於君父德均吹萬下被於生靈大聖所以  
宣昭庶品由其利見聖作物覩天清地平故雖冰霰傷和  
之姿人情慢蔽之物宿陰茲解惡氣未除無不仰南至而  
自銷隨東風而盡變坐見可封之俗更覃無外之恩率土  
之毗俱霑覆育稟靈之內無不謳吟遐邇歡康昭聳發瞽  
臣謬忝朝列久總藩條云云

賀冊皇太子表

臣某言伏見制書以十二月二十日冊皇太子盛禮斯畢  
德音遐宣萬國以貞庶類咸說中賀伏惟文武孝德皇帝  
陛下體元立極垂訓御時旣闡王猷思安國本前星位定  
拱宸極以昭彰蒼震氣宣與天地而長久禮光匕鬯澤被  
華夷宗祏有無疆之休生靈懷莫大之慶臣恪居官次遐  
守巴南不獲稱慶闕庭無任踊躍屏營之至

蘇州賀冊皇太子表

臣某言伏奉制書以今月十日冊皇太子德音遐布盛禮  
畢陳國本永安人心同慶伏惟皇帝陛下以繼天之聖有

知子之明義兼君親禮重宗祏龍樓肇建展嘉禮於三朝  
鳳歷延長固本枝於萬葉臣守在遐郡不獲稱慶闕庭無  
任踊躍屏營之至

為裴相公賀冊魯王表

臣某言伏見制書以今日日冊魯王禮畢皇家有慶寶祚  
無疆既榮本枝克固磐石伏惟皇帝陛下德符列聖道冠  
前王孝敬承兩宮之歡虔恭奉九廟之祀先崇大禮慶浹  
天人次念建封事兼家國伏以魯王夙承叡訓特稟天姿  
爰擇吉辰光膺寵冊既示之以君親之道又錫之以禮義

之邦寰海聞風室家相慶臣自嬰疾疹已歷旬時不獲展  
禮明庭拜舞稱賀

蘇州賀皇帝疾愈表

臣某言臣得本道觀察使報伏承聖躬痊愈已於紫宸殿  
視朝者一人有慶萬國同歡伏惟皇帝陛下外親萬務內  
奉三宮常懷宵旰之勤遂失寢興之適上元降祐列聖表  
靈百神奔走以來扶四海精誠而致感勿藥有喜如山永  
安宗廟保無疆之休寰瀛申莫大之慶臣恪居官次遐守  
江干不獲稱賀闕庭無任踴躍屏營之至

賀改元赦表

臣某言伏見今月七日制書大赦天下者帝遊出震聖澤  
如春神人以和天地交泰伏惟皇帝陛下丕承鴻業光闡  
徽圖吉日展嚴配之儀告天陳太平之盛九廟成禮百神  
降祥鑿輅旋衡風雲改色殊私廣被再宏莫大之恩寶厯  
惟新更啟無疆之祚兩宮承慶四海永寧率土臣子上千  
萬壽臣恪居官次不獲稱賀闕庭無任屏營之至謹差當  
州軍事衙官試慈州吉昌府別將徐倫奉表陳賀以聞

賀赦表

臣某言伏奉今月一日制書改大和十年爲開成元年大赦天下者雷雨作解人神悅隨澤及八荒網開三面臣某誠歡誠喜頓首頓首伏惟皇帝陛下上承乾綱下立人極用含宏光大之德副華夏會同之心獻歲改元惟新景祚先明首罪次及羣妖迷睿情以曉萬方施鴻霈以蘇庶物恤刑宥過已責弛征郡縣之舊弊悉除賦稅之新規咸備停藩方節獻之禮以惠疲人迴推筦餘羨之財以資京邑命使展澄清之志察言求讜直之材弓旌賁於邱園粟帛頒於耆艾爰以初吉御於明庭德音一發於九天和氣驟

周於四海開物成務實表於建元應天順人永延於億載  
臣幸居近輔先受殊恩不獲稱慶闕庭陪榮班次眾星列  
位常拱北辰之尊新歲拜章遙獻南山之壽無任抃躍屏  
營之至

賀德音表

臣某言伏見今月十六日德音布告遐邇邇天道下濟人情  
大安中賀伏惟皇帝陛下凝旒思理垂衣擇材以日月無  
私之光照寰區有截之之貴使之悟盡達寧虞厚貌潛謀  
一昨李訓鄭注等敢有逆心乘之以黨陛下睿謀神斷左



右協同頃刻之間掃除已定重臣畢力禁旅竭忠氛祲廓  
清華夷咸悅言念正刑之外或有註誤之徒再發德音廣  
宣聖澤當星紀迴天之日迎陽和煦物之光懷危疑者如  
山之安欲告訐者望風知懼非同謀者一切不問未結正  
者三省從寬含生之倫普天同感臣恪居官次不獲稱賀  
闕庭無任忭躍屏營之至謹差防禦知衙官朝議郎權知  
容州都督府司馬孫惕奉表

連州賀赦表

臣某言伏奉今月一日制書大赦天下者盛德廣運浹於

華夷天光下臨照被幽蟄臣某誠歡誠躍頓首頓首伏惟  
睿聖文武皇帝陛下神扶寶祚天贊鴻猷意有所之事無  
不尅當淮甸凱旋之後是域中慶幸之時順陽和以發生  
施霈澤於寰海網開三面危疑者許以自新耳達四聰瑕  
累者期於錄用求碩畫於庶位慮遺材於放臣旌忠烈之  
家賞勳庸之允仁及枯骨無隔於寇戎榮加顯親普霑於  
存歿恤刑已責實廩蠲徭頒錫彰有客之詩崇儒叶宗子  
之望嶽瀆咸秩者艾飲和大僚承任子之恩武旅荷賜金  
之寵斯皆禹湯文武之遺美高祖太宗之耿光集於聖朝

然後大備德音所至和氣隨之歡謠上徹於九天福祚永  
延於億載能使遠夷屈膝豈惟小醜革心率土人臣不勝  
大慶臣久辭闕下恪守海隅犬馬之誠倍百恆品無任抃  
躍屏營之至

賀赦表

臣某言伏見今月三日制書大赦天下者大明初昇萬物  
咸觀渙汗一發神人以和伏惟皇帝陛下天資叡聖神啟  
昌期端拱受萬國之朝承顏奉兩宮之慶初嗣大位克揚  
孝心三光協明和氣來應臣伏讀赦令首於奉園陵盡誠

敬親九族蘇兆人次及定章程止進獻已逋責滌夙瑕內  
照於九重則歸嬪嬙放鷹犬外明於四目則求隱士開直  
聲柔遠以仁則還其係虜賞延以禮則澤及後昆菲食遵  
夏禹之規弋緋法漢文之儉墜典咸舉舊章再明昇平之  
期正在今日發號之始疾於春風殊私所及霈若時雨臣  
幸逢昌運厯事五朝出守遐藩僅垂二紀欣承雷雨作解  
之澤不勝犬馬戀主之誠瞻望帝鄉無任屏營懇悃之至

賀收蔡州表

臣某言伏見詔書以唐州節度使李愬生擒逆賊吳元濟

獻俘文武百僚於興安門列班稱賀者天威遠被元惡就  
誅一方旣平萬國咸慶中賀伏惟睿聖文武皇帝陛下德  
超邃古道合上元臨御以來天人協贊削平吳蜀掃蕩塞  
垣車書大同夷狄來貢蕞爾元濟敢懷野心輒聚犬羊苟  
偷時月陛下聖謨獨運睿感潛通天助神兵人生勇氣旣  
擒兇逆爰正刑書伏三紀之逋誅成九衢之壯觀宗社昭  
告華夷式瞻行弔伐而在禮無違烜威聲而何城不尅楚  
氛改色淮水安流漢上疲人盡霑雨露汝南遺老重睹昇  
平凡在具臣孰不欣抃臣久辭朝列忝守遐藩不獲稱慶

闕庭陳露丹悃仰瞻宸極倍萬羣情無任踊躍慶快之至  
代京兆李尹賀遷獻懿二祖表

臣某言伏見詔書以今月某日奉遷獻祖懿祖神主祔於  
德明興聖皇帝廟盛禮云畢宗祧永安誠感誠悅頓首頓  
首伏以太祖景皇帝膺期撫運啟封於唐爲百代不遷之  
宗開三靈眷命之兆頃以本朝初建清廟備儀二祖冠西  
室之先景皇闕東向之位諸儒獻議厯載未行陛下濬發  
睿謨旁延正論爰詔多士會於中臺酌三禮之前文參百  
王之故事講貫斯定詢謀僉同備物展儀考祥視履配貴

神於遠祖正尊位於始封廟貌有嚴禘嘗允穆示人以孝  
得禮之中既觀秩秩之容必降穰穰之福臣職居內史屬  
忝本枝躬導盛儀獲申誠敬無任感悅屏營之至

為京兆李尹賀雨表

臣某言伏奉聖旨以時雨愆候有妨耕農應諸有靈跡處  
並令祈請者德音才發膏雨驟飛滂霈已周動植咸說云  
云伏以久愆時澤上軫聖慈爰命禱祈俾申誠敬神應如  
響天且不違未興雲漢之詩已致桑林之雨臣謬司京邑  
虔撫黎蒸覩豐年之可期同比屋而稱慶無任欣抃之至

爲京兆韋尹賀元日祥雪表

臣某言伏以去冬以來久無雨雪臣每於殿內親奉德音以宿麥未滋爲虞以兆人生疾爲念聖情所屬神理潛通獻歲發春佳雪肇降當夷夏會同之日觀天人合應之徵迎喜氣於三元浹歡心於萬國癘疵永息豐年可期臣以疾疢未平步趨有阻伏蒙恩貸已具奏聞謹於光宅寺中管當本務不獲隨例稱慶明庭旣覩嘉祥益彰聖德無任欣躍屏營之至

爲京兆韋尹賀春雪表



臣某言伏奉詔旨充某郡主禮命使謝恩之日親承德音以春初已來雨雪猶少慮妨農事有軫睿慈今當下嫁之辰克致上元之感雲生河漢及佳期而降祥雪滿寰區應豐年而呈瑞臣官當撫字職在肅雍慶抃之誠實倍常品為京兆韋尹賀雨止表

臣某言今月某日中使吳文政奉宣聖旨緣今年雨多恐傷苗稼諸有靈跡處並宜祈禱者臣謹檢尋祀典方議徧祠惟德動天倏已澄霽伏以至教惠農兆人務本今歲宿麥茂於常年爰自季春遂逢多雨蓋陰陽常數有以推遷

而隴畝之間未聞傷敗陛下勞謙思切覆育恩深或慮成  
災先期軫念昭薦未陳於方社叡誠已格於上元文明煥  
開陰暘潛掃有年之慶實兆於茲辰先天不違夙超於前  
代臣謬司京邑虔撫蒸黎欣抃之誠倍百羣品無任踴躍  
屏營之至

為京兆韋尹賀祈晴獲應表

臣某言今月十七日中使某奉宣聖旨以霖雨未晴諸有  
靈跡處並令祈禱者臣當時於興聖寺竹林神親自祈祝  
兼差官城外分路徧祠伏以神祇效靈景物澄霽兆庶覩

動天之德大田俟多稼之期臣謬荷恩輝忝司京邑抃說  
之至實倍常情

爲杜相公賀復吳少誠官爵表

臣某言中使宋惟澄至奉宣聖旨存問兼賜臣墨詔及昭  
示洗雪吳少誠等事天地宏覆燾之恩雷雨施渙汗之澤  
瑕累咸滌危疑獲安中謝臣伏以少誠擅興兵戈事生註  
誤自王師致討天威下臨曾無悖辭亟聞引咎初懷疑懼  
雖擁眾以偷生旋感聖神屢拜章而請命陛下仁深解網  
慮軫納隍念餽餉飛輓之勤閱戰爭暴露之苦舉茲宥過

之典副彼效順之誠一方承再造之恩九有覩惟新之化  
敷鴻霈而覃及蠢類鼓仁風而臻於太和罷柝銷鋒自茲  
而始臣謬膺重寄虔守遐藩不獲稱慶瑤墀陳露丹懇仰  
瞻宸極倍百常情無任慶抃屏營之至

爲杜相公賀除虔王表

臣某言中使李國真至奉宣聖旨存問兼賜臣墨詔鴻澤  
浹下大明燭幽曉諭便藩慰安稠疊中謝臣伏觀天書恭  
承睿旨宏愛人屈己之道酌因時適變之宜擇賢王作鎮  
徐方俾張愔便主留務上則成邦家磐石之固下則副士

眾拜章之請戚藩之寄斯重舊勳之祀獲全丕變猖狂之  
徒咸躋仁壽之域既宏在宥坐見止戈率土人臣孰不欣  
說臣素乏方略謬荷寵光猥塵將相之名無施分寸之績  
遭逢若此報效蔑聞官謗已興渥刑宜及陛下恩深覆載  
道務含宏恤公私餽餉之勤念吏士鋒鏑之苦特紆神算  
昭發德音危疑獲安制置惟固好生宥過誠陛下開網之  
仁尸位無功重微臣素餐之責周章跼蹐胡顏自安但以  
遐守藩條恪居官次不獲仰謝雲陛陳露血誠未遂周任  
知止之言敢逃臧文竊位之咎無任戰越之至

賀雪鎮州表

臣某言伏見四月二十七日德音以王承宗效順著明復其官爵所獻二郡別置藩垣聖德動天鴻恩及物瑕累咸滌蒸黎永安伏惟睿聖文武皇帝陛下自承寶位克振皇綱旣以四海爲家每念一夫不獲昨因大慶爰降殊私廣宥過之科開自新之路綸言一發神聖潛通遂令迷誤之徒頓釋憂危之慮命允子以入侍獻名都以效誠臣心旣明天網爲解因析四郡別爲一方惟懷永圖盡去前弊大江以北化爲禮樂之鄉率土之濱重見昇平之日臣恪居

官次遐守嶺隅不獲稱慶闕庭無任踊躍屏營之至

賀平淄青表

臣某言伏見制旨魏博節度使所奏逆賊李師道并男二人並梟斬訖以二月十六日御宣政殿受賀者聖德元運兵威神速旬月之內鯨鯢就誅泰嶽旣寧登封有日伏惟睿聖文武皇帝陛下有征必克舉意無違天地協神算之期雷霆助成師之氣蠢爾孽豎敢生野心蕭斧一臨妖氛一滅皆由聖慈廣被睿略潛通獻俘者盡許生還得地者復令安堵感我仁化激其深衷凡是脅從盡思效節五紀

巢穴一旬 夷遂使齊魯之鄉復歸仁壽之域捷書既至  
傳首繼來備文物於明庭告殊勳於清廟百郡陳賀萬方  
會同從此止戈所以爲武西周士庶方觀飲至之容東嶽  
烟雲已望告成之禮臣恪居遠服嘗忝班行慶快之誠倍  
萬羣品無任踊躍屏營之至

賀臯斬鄭注表

臣某言伏奉前月二十五日詔書示逆賊鄭注已梟首訖  
妖氛殄滅華夏又安伏以逆賊鄭注本出細微潛懷梟獍  
之心兼結兇狂之黨人倫共棄神理不容陛下睿略感通



天人合應重臣協力禁旅齊心指顧之間猖狂自潰乾坤  
交泰日月增明凡在人臣不勝慶快臣恪居官次不獲稱  
賀闕庭無任欣歡抃躍之至

慰國哀表

臣某言上天降禍大行皇帝奄棄萬國奉諱號擗糜潰五  
情伏惟皇帝陛下孝思至性攀號罔極臣恭守所部不獲  
陪位西宮伏增感慕之至謹奉表陳慰以聞

慰淄王薨表

臣某言臣得進奏官楊惕狀報淄王薨輟朝三日伏惟皇

帝陛下德邁前王情深近屬憫枝葉之謝諒切宸衷割肌  
膚之愛何堪聖念萬方知化九族歸仁凡受國恩伏深悽  
惻臣限以藩守不獲奉慰闕庭無任屏營之至

欽定全唐文卷六百一目錄

劉禹錫

爲杜相公慰王太尉薨表

爲杜司徒慰義陽公主薨表

爲杜司徒讓度支鹽鐵等使表

爲杜司徒讓淮南立去思碑表

爲杜相公讓同平章事表

爲裴相公讓官第一表

爲裴相公讓官第二表

為裴相公讓官第三表

為容州竇中丞謝上表

夔州刺史謝上表

連州刺史謝上表

和州刺史謝上表

蘇州刺史謝上表

汝州刺史謝上表

同州刺史謝上表

代杜司徒謝平章事表

爲淮南杜相公謝兵馬使朱鄭等官表

爲淮南杜相公謝貸錢物表

蘇州謝恩賜加章服表

謝差中使送上表

代杜司徒謝男授官表

介林臣封樞畏外官表

樞蓋中外疑士表

藉限樞恩顯叱章服表

爲新南封公樞登筵林表

爲新南封公樞兵臨封未獲等官表

欽定全唐文卷六百一

劉禹錫

爲杜相公慰王太尉薨表

臣某言伏承成德軍節度使太尉兼中書令王武俊今月某日薨沒伏以武俊生逢昌時天授忠節奮揚義勇茂建勳庸秩冠朝端參燮和於台鉉姻連戚里承嘉慶於雲霄榮掩華夷事高今昔方膺作翰之寄遽迫歸泉之期鼎臣云亡梁木斯壞伏惟陛下君臣義重存沒感深臨冊綏以興懷聽鼓鼙而軫念臣恪居官守奉慰無階悲慟之誠有

加常品謹遣某官某乙奉表陳慰以聞

爲杜司徒慰義陽公主薨表

臣某言伏承義陽公主薨伏惟聖懷傷悼增切伏以公主  
妍姿令則冠絕天人稟教皇宮已挺柔嘉之德降嬪卿族  
益彰貞粹之儀方期作範壺闈長榮邸第豈意邁茲短歷  
奄謝昌辰慮陛下軫念未捐深慈莫遣有虧常膳罷設宮  
懸臣子之情不任惕戀况聖凡禮異家國制殊伏願道齊  
彭殤理達修短割肌膚之愛慰寰海之心率土人臣孰不  
相慰無任懇款屏營之至



無下 爲杜司徒讓度支鹽鐵等使表

臣某言伏奉制書授臣檢校司徒同中書門下平章事充  
度支及諸道鹽鐵轉運等使者臣久塵高位尸素已多更  
受新恩滿盈爲懼云云伏惟皇帝陛下紹登寶位光纂鴻  
猷擢用之間華夷聳聽况利權所在宜適變通國計是資  
須明輕重當至化鼎新之日是微臣遲莫之年將何以上  
副宸衷下成庶務進退惟谷冰炭在懷輒罄愚誠冀回天  
監陳力無補庶遵周任之言循涯若驚敢飾范宣之讓慙  
惶跼踖倍萬常情謹奉表陳讓以聞

爲杜司徒讓淮南立去思碑表

臣某言伏見淮南節度使王鏐所奏當道將吏僧道耆老等請爲臣立去思碑伏奉聖旨允其所奏內惟菲薄聲績無聞祇荷恩私慙懼交至臣某誠惶誠恐頓首頓首臣伏蒙先朝過獎累典方隅頃鎮江都十有四載數周星紀水旱備經境接淮濱兵戈時起至於邑里麤免流離非臣所能悉稟聖化在唐堯可封之日奚假吏才當漢宣責實之時皆承詔旨王鏐與臣交代輒有上聞况以去思爲名慙無可紀之績伏以建碑示後甲令垂文苟非至公翻益貽

誦臣伏覽故事宋璟自廣州都督入拜尚書南海之人請  
爲刊石璟自遜讓至於再三雖勒其文竟從降制著在國  
史舉爲美談璟非苟榮人益見德臣才誠不逮心實慕之  
伏乞聖慈賜寢前命情非飾讓義在徇公無任懇款之至  
謹奉表陳讓以聞

爲杜相公讓同平章事表

臣某言高品吳千金至奉制加臣銀青光祿大夫同中書  
門下平章事兼徐泗濠等州節度觀察處置等使餘如故  
者初受恩榮若登霄漢退思塵忝如履春冰臣誠惶誠恐

頓首頓首臣聞以德詔官以勞定賞苟或虛授人無勸心  
臣自守方隅累更時歲荷唐虞宣力之寄乏齊魯報政之  
能愧無可稱以答高位豈意聖慈宏獎天澤薦加以變贊  
之崇名被庸虛之陋質懼速官謗有玷大猷伏以宰相之  
職安危是注其在當否繫於慘舒惟以材升例無平進舉  
不失德則副蒼生之心苟非其人或致外夷之哂臣雖愚  
昧嘗覽前言豈敢冒榮遂安竊位輒思事理冀盡芻蕘若  
以汴河要津漕運所切徐方俶擾師旅未寧謹當上稟睿  
謀下貞戎律克期而進屈指可平勵眾之先是臣之志既

行其事必在正名所加節制安敢飾讓至於銀青貴服金  
鉉重名勳績無聞豈宜濫及伏乞賜寢前命俯亮愚衷微  
臣遂知止之宜聖朝無不稱之服名器斯慎退讓有聞遐  
邇聆風孰不知勸其新授官告謹重封進無任懇禱屏營  
之至

非勳為裴相公讓官第一表

臣某言臣去冬得疾近日加劇西夕之景豈能久留及其  
未亂披露誠懇臣犬馬之齒六十有七壽雖不長亦不為  
短位忝公台近十五年皆由際會非以才進常懼官謗以

招國刑今被病得死保其始終爲幸甚厚豈復咨嗟所恨者遇聖明之君不得佐成太平之化自量氣力忽恐奄然則有微素無階上達伏惟聖慈昭鑒憐而察之伏以三公非曠職之地宰相非卧理之官伏枕之初已有陳乞請罷直食兼辭貴階伏蒙優詔纔遂一事頻降中使慰勉再三專令御醫旦夕診視苟安名器不覺經時主恩則深公議不可伏思陛下臨御之始宰臣四人逮今零落忽已一半臣且危懼餘年幾何惟易直外鎮獨得無恙竊惟此理權位難居伏乞賜臣停官許在家養疾就閒辭祿或冀有瘳

害盈福謙固是神理儻天眷綢厚念以伏事多年臣之所  
陳未蒙便遂則國朝勳舊以疾辭位者皆得以致仕使其  
家居足以頤養既有成例著於舊章伏望天恩特賜哀允

臣某言為裴相公讓官第二表

臣某言臣所獻章表發於至誠伏奉批答未蒙允許外負  
公責內迫私情期於必遂敢守難奪臣束髮已來號為強  
力及其晚節亦未甚衰一朝被病遂至絲悞臣自思省得  
其端倪非因飲食不節無有霧露之犯蓋由才微而任重  
功薄而賞厚竊位既久妨賢則多以積年之過幸致今日

之沈疾不能酌損所以生災悟雖已晚情實非矯伏惟陛下念其委使之久察其危苦之詞特降深恩救臣不逮無冒榮之咎得遂性之宜物議不形病心自泰忍死俟命披肝再陳伏乞聖慈俯賜容納無任迫切懇倒之至

裴相公讓官第三表

臣某言得病踰年在假三月再有陳請未蒙允從慮其奄忽銜愧入地伏惟聖慈哀而信之臣聞君之使臣在知其心而聽其言不以容尸祿爲惠也臣之事君在無隱情而盡忠節不以受非據爲榮也然後上下交感終始可詠臣



伏事陛下五年於茲葵藿微誠已蒙識察桑榆莫景所冀  
哀憐豈令危懼之時更懼滿盈之禍雖有藥石安能調和  
聖日雖逢生涯漸短體羸無拜舞之望心在有涕戀之悲  
臣伏覽國史備見前事太宗朝李靖高宗朝劉仁軌皆自  
宰臣乞骸致政其後知猶可用復起於家進退之間曲盡  
情禮君臣之際良史美談伏望陛下悉臣至誠念臣羸病  
許遂頤養以保餘年俟其有瘳或冀萬一無任懇款遑迫  
之至

爲容州竇中丞謝上表

臣某言伏奉某月日制書授臣容州刺史兼御史中丞充  
本管經略招討等使臣發開州日已差某官某乙奉表陳  
謝伏以道途遐阻水陸縈紆臣以今月某日到本任上訖  
謹宣聖旨慰諭遠人臣某中謝臣本書生素無吏術頃因  
多幸賁自邱園累沐聖慈驟居清貫識昧通變動乖事宜  
慙無善狀以塞公責伏惟睿聖文武皇帝陛下凝旒穆清  
洞照寰海推共理之義分寄股肱念蒸人之勤溥霑遐邇  
察臣前任事實恕臣本性朴愚賜以恩輝拔於廢棄遠辭  
偏郡重委方隅捧印綬以爲榮望闕庭而增戀雖到官之

始惠未及人而率下之誠務先克己凡施政教皆稟詔條  
參以土宜遂其物性可行必守有弊必除使蠻夷生梗之  
風慕臣子盡忠之道力誠不足心實在茲伏乞聖明俯賜  
昭鑒無任感戴屏營之至

夔州刺史謝上表

臣某言伏奉某月日制書授臣使持節都督夔州諸軍事  
守夔州刺史跪受天詔神魂震驚伏惟文武孝德皇帝陛  
下垂衣穆清睿鑑旁達三統交泰百神降祥浹於華夷盡  
致仁壽臣家本儒素業在藝文貞元年中三忝科第德宗

皇帝記其姓名知無黨援擢爲御史在臺三載例遷省官  
權臣奏用分判錢穀竟坐連累貶在遐方先朝追還方念  
淹滯又遭讒嫉出牧遠州家禍所鍾沈伏草土禮經有制  
羸疾僅存甘於畎畝以樂皇化伏遇陛下大明御宇照燭  
無私念以殘生舉其彝典獲居善部伏感天慈臣卽以今  
月二日到任上訖硤水千里巴山萬重空懷向日之心未  
有朝天之路無任感恩戀闕之至

連州刺史謝上表

臣某言伏奉去年三月七日制授臣使持節連州刺史恭

承睿旨跪奉詔書皇恩重於邱山聖澤深於雨露抃舞失  
次神魂再揚臣某誠歡誠懼頓首頓首臣性本愚拙謬學  
文詞幸遇休明累登科第出身入仕並不因人德宗臨御  
之時臣忝御史陛下龍飛之日臣忝郎官恭守章程勤修  
職業權臣奏用蓋聞虛名實非曲求可以覆視跡卑易枉  
無路自明亦緣臣有微才所以嫉臣者眾競生口語廣肆  
加誣伏賴陛下至仁特從寬典舉以緣坐貶佐遐藩屢易  
星霜頻經恩赦犬馬懷戀寢興匪寧惟讀佛經願延聖算  
昨蒙詔命追赴上都隨例授官俾居遠郡在臣之分榮幸

已多伏荷陛下孝理宏深皇明照燭哀臣老母羸疾閔臣  
一身零丁特降新恩移臣善郡光榮廣被母子再生凡在  
人臣皆感聖德凡爲人子皆荷聖慈豈惟賤臣獨蒙恩造  
不覺喜極至於涕零昔殷王俯念於前禽且聞解網漢帝  
有哀於少女爰命罷刑方之聖朝不足多尚感召和氣慰  
安羣生非臣殞越所能上報伏以南方癘疾多在夏中自  
發郴州便染瘴瘧扶策在道不敢停留卽以今月十一日  
到州上訖謹宣聖旨以示遠人恭述詔條所期安復無任  
感恩戀闕之至

和州刺史謝上表

臣某言伏奉制書授臣使持節和州諸軍事守和州刺史  
臣自理巴賓不聞善政恩私忽降慶抃失容臣某中謝伏  
惟皇帝陛下丕承寶祚光闡鴻猷有漢武天人之姿稟周  
成睿哲之德發言合古舉意通神委用得人動植咸悅理  
平之速從古無倫微臣何幸獲覩昌運臣業在詞學早歲  
策名德宗尚文擢爲御史出入中外厯事五朝累承恩光  
三換符竹在分憂之寄祿秩非輕而素蓄所長效用無日  
臣聞一物失所前王軫懷今逢聖朝豈患無位臣卽以今

月二十六日到所任上訖伏以地在江淮俗參吳楚災旱  
之後綏撫誠難謹當奉宣皇風慰彼黎庶久於其道冀彼  
知方伏乞聖慈俯賜昭鑒臣遠守藩服不獲拜舞闕庭無  
任懇悃屏營之至謹差當州軍事衙官章興奉表陳謝以

聞

蘇州刺史謝上表

臣某言伏奉制書授臣使持節蘇州諸軍事守蘇州刺史  
始從郎署出領郡長承命若驚省躬增感臣某中謝伏惟  
皇帝陛下受上元之眷佑揚列聖之耿光大康黎元慎擇



攷守德音每發品物咸蘇臣本書生素無黨援謬以薄伎  
三登文科德宗皇帝擢爲御史在臺三載例轉省官永貞  
之初權臣領務遂奏錄用蓋聞虛名惟守職業實無朋附  
竟坐飛語貶在遐藩憲宗皇帝後知事情却授刺史凡厯  
外任二十餘年伏遇陛下應運重光物無廢滯收拾耆舊  
塵忝班行旣幸逢時常思展效在集賢院四換星霜供進  
新書二千餘卷儒臣之分甘老於典墳優詔忽臨又委之  
符竹分憂誠重戀闕滋深石室之書空留筆札金閨之籍  
已去姓名本末可明申雪無路豈意聖慈宏納不隔卑微

面辭之日特許升殿天顏咫尺臣禮兢惶不敢盡言空懷  
誠懇謝恩而出生光於九陌之間授訓而行布政於五湖  
之外臣卽以今月六日到任上訖伏以水災之後物力素  
空臣謹揚皇風慰彼黎庶臣聞有味之物蠹蟲必生有才  
之人讒言必至事理如此古今同途了然辨之惟在明聖  
伏惟陛下察臣此言則天下之人無不幸甚江海遠地孤  
危小臣雖雨露之恩幽遐必被而犬馬之戀親近爲榮

汝州刺史謝上表

臣某言伏奉去年七月十四日詔書授臣使持節汝州諸

軍事守汝州刺史兼御史中丞充本道防禦使餘如故者  
臣久居遠服戀闕常深忽降新恩近鄉爲貴承旨慶抃省  
躬慙惶臣某誠歡誠喜頓首頓首伏惟皇帝陛下垂衣清  
穆之中旁照寰瀛之內車書所及動植咸安臣昨離班行  
遠守江徼延英辭日親奉德音知臣所部災荒許臣到任  
條奏恭承睿旨宣示羣黎減其征徭頒以賑賜伏蒙聖澤  
救此天災疲羸再甦幼艾同感二年連遭水潦百姓幸免  
流離交割之時戶口增長雖才術不足於事未周而憂勞  
則深爲衆所悉臣本業儒素頻登文科帝命遽迴再領軍

郡卽以今月二十七日到州上訖謹當奉宣聖化慰彼蒼生臨汝水之波朝宗尚阻望秦城之日迴照何時臣無任感激屏營之至謹差防禦押衙韋禮簡奉表陳謝

同州刺史謝上表

臣某言伏奉去年十月二十二日制書授臣使持節同州諸軍事守同州刺史兼御史中丞充本州防禦長春宮等使恩降九重榮忝三輔承旨慶抃省躬慙惶臣某中謝伏惟皇帝陛下丕承列聖光闡鴻猷氛祲掃除乾坤交泰臣幸逢昌運累沐殊私空荷生成之恩寧酬雨露之澤卽以

今月二日到州上訖謹宣睿旨安慰蒸黎伏以本州四年  
以來連遭旱損閭閻凋瘵遠近共知臣頃任蘇州之年亦  
遭大水之後面辭之日親奉德音至於撫綏皆承聖教二  
年之後百姓獲安今本部災荒物力困涸忝爲長吏敢不  
竭誠卽須條疏續具聞奏臣恪居官次幸接王畿不獲拜  
舞彤庭陳露丹慊犬馬懷戀寢興匪寧瞻魏闕之容朝天  
尚阻望長安之路近日爲榮臣無任感激屏營之至謹差  
防禦知衙官試殿中監楊克乂奉表陳謝

代杜司徒謝平章事表

臣某言臣伏蒙獎拔超踐鈞衡慮玷大猷昧死陳讓再奉  
嚴旨不令固辭恩厚命輕位高責重中謝臣聞天下安危  
注意將相處論道具瞻之地當總戎作鎮之權雖叶夢而  
求無聞秉鉞之寄登壇以拜不兼調鼎之榮授受維艱伊  
昔猶爾况臣庸瑣何以克堪陛下元造曲成大明私照俾  
掌戎律復參廟謨寵光之命在臣已極毫髮之效於國何  
施謹當罄竭微誠奉遵至教仗天威以懾不順敷聖澤以  
遂羣生上分旰食之憂下塞素餐之責力誠不足心實念  
茲伏乞皇明俯賜昭鑒臣恪居官次遐守藩維不獲伏謝

彤庭陳露丹慊心存闕下同犬馬之戀恩身在淮濱仰雲  
天而結思無任懇悃屏營之至

爲淮南杜相公謝兵馬使朱鄭等官表

臣某言奏事官韋溫迴特蒙聖恩重賜朱鄭等官告宸象  
昭回煥然下燭榮分右職光賁遐藩臣某中謝臣伏以朱  
鄭朴忠爲心沈毅見色當建封禦侮之寄見張愔提孩之  
年昨者隸職徐州分鎮蘄縣驛騷之際梗亮彌彰歷險而  
前實繁其旅詳探本末有足褒稱輒具奏聞恐須獎勸伏  
蒙睿鑒俯亮微誠優詔先行已階直指之列殊私薦至超

升獨坐之崇戶領三千爵踰五等恩生非次感異常倫轅  
門有光武旅增氣遂使感激之士希勇爵以捐軀猖狂之  
徒聆聖澤而悛性風行草偃其勢必然臣忝總戎倍百欣  
荷

爲淮南杜相公謝貸錢物表

臣某言中使南宮懷珍至奉宣聖旨存問兼賜臣墨詔天  
光下濟睿澤曲流銜恩未酬居寵彌懼臣某中謝臣受任  
斯極微功莫施昨以封略未寧干戈猶動壽春固壘以備  
盜淮甸興師以扞姦經費所資數盈鉅萬餽餉時久供億



力殫慮始圖終不敢緘默輒陳管見上黷宸聰伏蒙聖慈  
特遂誠請遠承如綽之旨特假聚人之財軍須不愆士氣  
彌振糗糧既備永無半菽之虞襦袴足頒遠起挾纊之感  
是爲悅使咸願先登臣忝總戎倍百欣荷伏以上分國用  
俯濟軍興候清煙塵謹備償納

蘇州謝恩賜加章服表

臣某言伏奉去年十一月二十七日詔書加臣賜紫金魚  
袋餘如故者恩隆重霄榮霑陋質既黷陟明之典恐與彼  
已之詩寵過若驚喜深生懼臣某中謝臣起自書生業文

入仕德宗朝爲御史以孤直在臺順宗朝爲郎官以緣累  
出省憲宗皇帝後知其冤特降敕書追赴京國緣有虛稱  
恐居清班務進者爭先上封者潛毀巧言易信孤憤難申  
俄復一麾外轉三郡伏遇陛下膺期御宇大振滯淹哀臣  
宿舊猥見收拾職兼書殿官忝儀曹微勞未宣薄命多故  
又離省署重領郡符延英面辭親承教誨銜命卽路星言  
載馳到任之初便逢災疫奉宣聖澤恭守詔條上稟睿謨  
下求人瘼才術雖短憂勞則深幸免流離漸臻完復皆承  
聖化所及遂使人心獲安豈由微臣薄劣能致臣素乏親

黨家本孤貧年衰無酒色之娛性拙無博奕之藝自領大  
郡又逢時災晝夜苦心寢食忘味曾經誣毀每事防虞惟  
託神明更無媒援豈期片善上達宸聰迴日月之重光燭  
江湘之下國絲綸褒異苦節旣彰印綬煒煌老容如少望  
雲天而拜舞豈盡丹誠視環玦以徘徊空嗟白首無任感  
激屏營之至

謝差中使送上表

臣某言中使吐突仕曉至奉宣聖旨慰諭并送臣至本任  
者深山遠郡忽降王人跪受恩榮仰瞻宸極伏以發自巴

峽至於南荒涉水陸湍險之途當炎夏鬱蒸之候山川縈  
轉晨夜奔馳幸無他疾得至本管九重結戀遙傾捧日之  
心萬里獲安皆荷自天之祐無任感戴屏營之至

代杜司徒謝男授官表

臣某言伏奉今月一日制授臣長男師損祕書省著作郎  
次男式方太常寺主簿又得進奏官裴邁狀報伏承聖恩  
特降中使送官告到臣宅分付師損者寵渥非常授任不  
次驚躍無措覲懼失容臣某中謝臣謬分重寄獲守外藩  
受恩旣深無績可紀男師損等器惟凡品教闕義方早沐

睿慈已階官次每懷塵忝常誠滿盈豈謂鴻霈曲覃大明  
私照寬臣尸素之責念臣葵藿之誠下延允息叨踐班級  
天書出禁中貴臨門榮冠等夷慶流宗族况著作乃撰論  
之地惟史才是居太常實禮樂之司非儒者勿履顧茲庸  
謬忽此超升內省慙惶若墜冰谷伏以聖朝立制建官惟  
賢名實無乖輪轅盡適微臣父子獨爲幸人非據踰涯自  
中徂外虛受邱山之賜實增負乘之憂進退彷徨不知所  
據無任戰汗屏營之至

亦無子孫其書皆空

中且亦或受甲山之賜實皆養來之賜豈是於野不賦

便多實無非律籍蓋隨地出父子歸為幸人非就命也

焉然此錄亦何嘗漢晉法製本谷於以聖德立律故

之故非史文也今大率實錄樂之曰非謝林於其時

大書出樂中實謂門樂於律或與流宗然其若制八

亦無實謂其素之貴念則與管之端可致此息四

亦感之謂言大率射聖亦常篇盛豈臨燕曲貴大

欽定全唐文卷六百二目錄

劉禹錫 四

為武中丞謝賜春衣表

為武中丞謝賜冬衣表

為淮南杜相公謝賜春衣表

謝賜冬衣表

謝賜冬衣表

為淮南杜相公謝賜冬衣表

謝恩賜粟麥表

謝恩放先貸斛斗表

蘇州謝賑賜表

代武中丞謝賜新茶第一表

代武中丞謝賜新茶第二表

謝賜廣利方表

代武中丞謝賜新橘表

代武中丞謝賜新柑表

謝端午賜衣及器物等第一表

謝端午賜衣及器物等第二表



謝敕書賜臘日口脂等表

為淮南杜相公謝賜歷日面脂口脂表

為李中丞謝賜紫雪面脂等表

為李中丞謝賜鍾馗歷日表

為淮南杜相公謝賜鍾馗歷日表

為杜司徒謝賜追贈表

為杜相公謝賜門戟表

為韋尹謝許折糴表

為淮南杜相公謝詔許濠泗兩州割屬淮南表

謝手詔慰撫表

謝恩存問表

為淮南杜相公謝賜墨詔第一表

為淮南杜相公謝賜墨詔第二表

為淮南杜相公謝賜手詔表

謝授分司表

代杜司徒乞朝覲表

為淮南杜相公請赴行營表

為淮南杜相公論西戎表

爲淮南杜相公論廢楚州營田表

夔州論利害第一表

夔州論利害第二表

袁州論味害策二表  
袁州論味害策一表  
袁州論味害策一表  
袁州論味害策一表

欽定全唐文卷六百二

劉禹錫

四

爲武中丞謝賜春衣表

臣某言中使某乙奉宣聖旨賜臣春衣一副王人臨第御  
府降衣抃舞失容捧戴無措臣某中謝伏以律當春暮慶  
洽時邕萬物被薰風之和九天垂湛露之澤臣受任非次  
速尤是虞方懷匪服之憂更荷解衣之賜恩加盡飾拖朱  
紫而爲榮受非以庸顧形影而增愧丹誠徒罄元造難酬  
無任踊躍感恩之至

爲武中丞謝賜冬衣表

臣某言中使某乙至奉宣聖旨賜臣冬衣一副恩降重霄  
榮加陋質承旨慶抃省躬慙惶臣受任已來微效莫著每  
更時律慙曠官常豈謂元造曲成鴻私薦及念茲戒寒之  
候錫以禦冬之衣抃舞失容顧眄增飾鶴紋是錫遠慙晉  
代之賢鵜翼不濡實懼曹風之刺無任感戴屏營之至

爲淮南杜相公謝賜春衣表

臣某言中使陳日華至奉宣聖旨慰勞臣及將佐官吏僧  
道耆老百姓等并賜臣墨詔及春衣兩副大將衣四副王

人捧詔御府降衣寵光不隔於遐藩慶賜猥霑於裨將臣  
某中謝臣素乏器能謬膺驅使每慙效薄常懼食浮陛下  
覃以至仁均其厚施宰元和而布澤順時律以頒衣出自  
禁中賁於臣下執領禮而抃舞失次被纖柔而顧盼增輝  
舉體動容既安且吉在身不稱恐招鵜翼之譏居任無功  
叨受鶴紋之賜下延將校同荷生成

謝賜冬衣表

臣某言德音爰錫降自煙霄黔黎沐賜共成睿渥臣某中  
謝伏惟皇帝陛下誕敷文教丕變時雍遐邇克清翔泳咸

若臣謬膺寵任每愧素餐荷海嶽之私無毫釐之績式用  
衣裳在笥之戒惟愧輕暖被身載咏維鵜在梁之詩罔知  
死節之所誓當訓勵士伍寧輯閭里盡瘁竭心以酬天造  
臣與大將等無任感戴屏營之至

謝賜冬衣表

臣某言恭承御封捧授恩錫喜懼交集精魂若飛臣某中  
謝臣夙荷寵榮累仗旄鉞西戎未殄無式過之勞東郡已  
安有息偃之逸高秋空度永夕知慙陛下亭育深慈生成  
大德三軍挾纊俯聽綸言九月授衣載馳天使臣被服既



畢感戴難勝誓當罄節苦心死生立效敢以微軀陋質麗  
靡自安臣所守有限不獲奔走丹墀犬馬微誠伏增竊戀  
臣無任云云

爲淮南杜相公謝賜冬衣表

臣某言中使王國清至伏奉聖旨慰勞臣及將佐官吏僧  
道耆壽百姓等并賜臣墨詔及冬衣兩副大將衣四副者  
大明昭回遠燭下土殊錫稠疊延及偏裨慶忭失圖捧戴  
相賀臣某中謝臣謬承委寄獲守藩條灰琯屢移塵露無  
補陛下至仁天覆元化風薰頌以兼衣賁茲瑣質降自天

府光於轅門緘滕旣開覩綵章之盛飾蹈舞而服發温燠  
於祁寒愧塵補袞之名更荷解衣之賜恩波下浹將校同  
霑共戴殊榮咸思竭節生成是荷雨露難酬臣無任懇悃  
慙荷之至

謝恩賜粟麥表

臣某言伏奉今月一日制書以臣當州連年歉旱特放開  
成元年夏青苗錢并賜斛斛六萬碩仰長吏逐急濟用不  
得非時量有抽斂於百姓者恩降九天澤周萬姓優詔纔  
下羣情頓安臣某誠歡誠喜頓首頓首伏以災沴流行陰

陽常數物力既竭人心匪違輒敢奏聞本求賑貸皇恩廣  
被元造曲成既免在田之征仍頒發廩之賜臣謹宣赦文  
節目彰示兆人鼓舞歡謠自中徂外臣初莅所部便遇儉  
時今蒙聖慈特有賑恤主恩及物已爲壽域之人眾意感  
天必有豐年之應臣恪居官業不獲拜舞闕庭臣無任感  
激

謝恩放先貸斛斗表

臣某言臣奉五月二十九日敕牒據度支所奏諸道節度  
觀察使及州府借便省司錢物斛斗等數內當州欠三萬

六千二十三貫石並放免者殊私忽降逋債滌除藩方永  
 安遐邇咸悅臣某誠歡誠喜頓首頓首伏以關輔之間頻  
 年歉旱田租既須矜放公用又不支持承前長吏例有借  
 便以救一時之急皆成積欠之名既未支填常懷憂懼聖  
 恩周洽洞見物情爰命有司使之條奏去其舊弊眾已獲  
 安嚴立新規人知所措臣恪居官次不獲拜舞闕庭臣無  
 任抃躍屏營之至

蘇州謝賑賜表

臣某言伏奉去年二月十五日敕蘇州宣賜米一十二萬

碩委刺史據戶均給者恩降九天澤流萬姓伏以臣當州  
去年災沴尤甚水潦雖退流傭尚多臣前月到任奉宣聖  
旨闔境老幼無不涕零詢訪里閭備知凋瘵方具事實便  
欲奏論聖慈憂人照燭幽遠特有賑恤救其災荒蒼生荷  
再造之恩儉歲同有年之慶臣忝爲長吏倍萬恆情無任  
感激抃躍之至

代武中丞謝賜新茶第一表

臣某言中使竇國安奉宣聖旨賜臣新茶一斤猥降王人  
光臨私室恭承慶錫跪啟緘封臣某中謝伏以方隅入貢

采擷至珍自遠爰來以新爲貴捧而觀妙飲以滌煩顧蘭  
露而慙芳豈蔗漿而齊味旣榮凡口倍切丹心臣無任歡  
躍感恩之至

臣某言中使某乙奉宣聖旨賜臣新茶一斤猥沐深恩再

霑殊錫承旨慶抃省躬慙惶臣某中謝伏以貢自外方名  
殊眾品效參藥石芳越椒蘭出自僊廚俯頒私室義同推  
食空荷於曲成責在素餐實慙於虛受

謝賜廣利方表

臣某言中使某至奉某月日敕書手詔賜臣元集要廣利  
方五卷者將吏森列黎元寂聽絲言溥及感荷德音細帙  
頒開皆覩聖作臣某中謝伏惟皇帝陛下元風御宇教以  
五常赤子愛人念其六疾遂長驅和扁高視農軒刪彼繁  
蕪撫其簡驗莫非十全之妙不勞三代之醫况慮軫服乘  
療覃牛馬圓首方足畢荷亭育之恩含齒帶觶盡歸仁壽  
之域臣奉明詔併工繕錄俾封疆之內日月俱懸雖聾瞽  
而必知在幽偏而亦達臣所守有限不獲走奔闕下蹈舞  
彤庭無任踊躍屏營之至

代武中丞謝賜新橘表

臣某言中使某乙至奉宣聖旨賜臣新橘若干顆特降恩  
光猥頒慶賜珍踰百果榮比兼金臣某中謝伏以丹實初  
成苞貢爰至芬馨味重方列於御筵雨露恩深忽霑於賤  
品感同推食事等絕甘豈惟適口爲珍實冀捐軀上答臣  
無任感戴之至

臣某言中使某乙至奉宣聖旨賜臣新柑若干顆特降殊  
私再頒名果自遠稱貴以新爲榮臣某中謝伏以果實旣



成南方有貴瓊茅合貢中禁爲珍方外貢來人間未覩黃  
苞輝穎雕俎增華芬芳初佐於天庖慶賜忽霑於凡口甘  
踰萍實剖食旣同於楚謠寒比蔗漿析醒何慙於漢史恩  
光斯重尸素彌彰誓當捐軀以申上答臣無任感戴之至  
謝端午賜衣及器物等第一表

臣某言中使劉光弼至奉宣聖旨慰勞臣及將佐官吏僧  
道耆老百姓等兼賜臣墨詔并衣一副金花銀器三事絲  
索一軸大將衣四副綵絲五軸寵光薦至慶賜曲霑忭舞  
失容捧戴無力臣某中謝伏以朱明仲月端午佳辰萬國

被薰風之和九天垂湛露之澤臣幸逢休運獲守外藩叨承睿慈猥霑榮賚發詔而煥窺宸翰振衣而頓失炎威色絲表祥載光於佩服珍器充玩盡飾於圓方恩輝旣盈喜懼交集下延裨將共荷鴻私無任感戴之至

謝端午賜衣及器物等第二表

臣某言德音曲被喜溢羣情厚賜遐頒榮霑陋質臣某中謝伏以蕤賓在律端午御辰慶列丹墀守藩莫及恩隨綵縷捧軸難勝况衣極珍織涼生温暑器皆照爛光發戶庭竊慙彼已之詩敢忘滿盈之誠惟當莅戎有勇訓俗知方

永懷銘縷之誠冀申赴蹈之節臣與大將無任感戴踊躍  
之至

謝敕書賜臘日口脂等表

臣某言今日中使某官至奉宣詔書賜臣及將士臘日口  
脂香藥紅雪等自天有命躋地無容虛受寵光翻成憂負  
臣某中謝臣位居方鎮才實凡庸郡邑臨人未移風於弊  
俗歲時頒物空竊賜於聖明特降璽書重加靈藥潤之膏  
液襲以蘭芳期美疢以蠲除冀頽顏而可駐殊私不遺於  
一物曲澤下及於三軍未報主恩慙於犬馬惟將臣節死

於封疆

爲淮南杜相公謝賜厯日面脂口脂表

臣某言中使霍子璘至奉宣聖旨存問臣及將佐官吏僧道耆壽百姓等兼賜臣墨詔及貞元十七年新厯一軸臘日面脂口脂紅雪紫雪并金花銀合二金稜合二皇明遠燭殊錫薦臻抃舞失容捧戴無措臣某中謝伏惟皇帝陛下立極御天順時布政禮崇大蜡澤浹遐藩臣叨榮日深竊位時久謬迴宸睠猥降王人天書下臨覩三光之照耀玉厯爰授知四氣之環周雕匳旣開珍藥斯見膏凝雪瑩

含液騰芳頓光蒲柳之容永去癘疵之患命輕恩重上答  
何階無任感抃屏營之至  
臣某言中使某乙至奉宣聖旨賜臣紫雪紅雪面脂口脂  
各一合澡豆一袋特降王人俯臨私第銜恩慶抃省已慙  
惶云云臣謬荷寵私素無績效空變星霜之候猥霑慶賜  
之恩跪捧雕匳榮觀珍藥功能去疾永絕於癘疵澤可飾  
容頓光於蒲柳生成是荷雨露難酬無任感戴  
臣某言  
爲李中丞謝賜鍾馗歷日表

臣某言  
爲李中丞謝賜鍾馗歷日表

欽定全唐文 卷六十二  
臣某言中使某乙至奉宣聖旨賜臣畫鍾馗一新歷日一  
軸恩降雲霄先生里巷雖當歲暮如煦陽和臣某中謝伏  
以將慶新年聿修故事績其神象表去厲之方頒以歷書  
敬授時之始微臣何幸天意不遺無任感戴屏營之至

爲淮南杜相公謝賜鍾馗歷日表

臣某言高品某乙至奉宣聖旨賜臣畫鍾馗一新歷日一  
軸星紀方迴雖逢歲暮恩輝忽降已覺春來臣某中謝伏  
以圖寫威神驅除羣厲頒行律歷敬授四時施張有嚴旣  
增門戶之貴動用叶吉常爲掌握之珍瞻仰披尋皆知聖

澤無任欣戴之至

爲杜司徒謝賜追贈表

臣某言伏奉制書褒贈臣亡父先臣某官尚書左僕射者  
時逢霈澤禮極徽章臣某中謝臣家受國恩至臣累葉常  
懼不克負荷以忝前人豈期多幸遭逢猥居高位陛下應  
乾御極作解庇人恩浹寰區禮崇宗廟垂仁布德自葉流  
根紫書忽降於重霄密印榮加於厚夜星霜增感蒸嘗有  
輝非臣隕越所能上報無任感咽屏營之至

爲杜相公謝賜門戟表

臣某言臣得進奏官裴邁狀報今月九日軍器使梁延壽  
奉宣進止付所司准省牒賜臣門戟十二竿者恩降雲天  
榮加門戶承旨慶抃省躬慙惶伏以禮著等威朝有命數  
是昭懋賞必在疇庸臣謬荷寵光素無績效旌旄之寄已  
忝外藩祭戟爰列更光私第賁於棖闌慶及子孫觀茲盛  
儀實愧虛受無任欣戴屏營之至

為韋尹謝許折糴表

臣某言伏奉詔旨以臣所請畿內折糴宜令度支計會定  
數奏來者天慈廣被人瘼是求臣自理京邑不先威刑唯



務便安所期富庶每因賜對常奉德音府縣之間巨細令  
奏伏以聖明在上風雨應時順成之年穀糴常賤若無輕  
重之法必利兼并之家輒敢上聞請行折糴天光下燭人  
隱無遺宣付所司允臣所奏事關理本惠及生靈臣忝尹  
京倍百欣荷無任歡躍屏營之至

爲淮南杜相公謝詔許濠泗兩州割屬淮南表

臣某言伏奉十一月二十九日詔書其濠泗兩州令臣依  
前收管臣謬承寵光作鎮淮海位均九伯權總十理內省  
無堪常恐不逮豈謂恩私曲被封略有加慙無報以之勤

重受分憂之寄伏以兵戎方息閭里未安謹當奉宣皇風  
慰彼黔首且責成於牧宰期不失於澄清伏惟聖明俯賜  
昭鑒臣無任感戴屏營之至

謝手詔慰撫表

臣某言臣監軍使判官劉寄至伏奉敕書手詔兼奉宣口  
敕奏事官王穆迴又奉尺書手詔兼宣口敕并慰撫問臣  
及將士等聖慈稠疊感戴無階臣某中謝臣跡忝總戎力  
慙致果一昨勵兵秣馬破賊攻城皆承睿略指蹤廟謨制  
勝豈臣庸妄敢竊勳勞每佳馮異推功見稱良史常惡樂

羊求賞翻謝謗書拳拳血誠天實諒只但以孤根獨立眾  
口易誣銷骨爲虞撫心是懼樹楊恐拔非獨一人采葛畏  
讒信如二月忘寢與食以榮爲憂陛下聖聰聽卑宸鑒燭  
遠天書軫念口詔宣慈特荷知臣之明累矜報主之效許  
之純直慰以貞堅北闕之恩謬加倚賴東門之倚又切防  
虞寵兼腹心澤浸骨髓載欣載躍感戴無階豈惟翦逆梟  
兇獨申微效實冀粉身灰骨上答殊私臣無任

謝恩存問表

臣某言王敬仁至奉口敕存問微臣憫其疎遠之悲慰其

欽定全唐文 卷六百二  
十一  
違離之思臣某中謝臣自今春分司入洛卽屬陛下受命  
承天企揖讓之盛儀隔肅雍之大禮元英匝歲日夜懷歸  
白雲在天闕庭難見豈期廷瓊爲寶尚憶他山之石貞明  
溥臨遠及容光之地仁深行葦眷甚遺簪草木之誠何酬  
造化無任感恩慕戀之至

爲淮南杜相公謝賜墨詔第一表

臣某言中使陳日華至奉宣聖旨存問兼賜臣墨詔又以  
臣所奏羅珣及裴靖政理有方今各賜手詔激賞者恩降  
重霄澤流下土義敦獎勸榮冠等夷臣某中謝臣昨以羅

珣裴靖勵精吏理效用著明人感悅安俗致殷阜恐須甄  
錄以勸在官輒獻封章具陳成績伏蒙睿覽俯亮愚衷嘉  
理行之尤光示絲綸之深旨守道者益以固志懷慝者由  
是悛心激俗化人於茲爲大臣謬司廉察職在澄清幸遇  
旌善之時獲免蔽賢之責無任欣戴之至

爲淮南杜相公謝賜墨詔第二表

臣某言中使陳日華至奉宣聖旨慰勞臣及將佐官吏僧  
道耆壽百姓等兼賜臣墨詔恩降紫泥澤流下土跪奉自  
天之命遙傾捧日之心臣某中謝伏以皇帝陛下凝旒穆

金定全月文 卷之百二 三  
清軫念黎獻已洽雍熙之化尚存宵旰之勤遠降王人特  
紆宸翰慰問稠疊曉諭便蕃任重力微不知上答應緣戎  
旅庶務謹具別狀奏聞伏乞皇明俯賜昭鑒無任感戴屏  
營之至

為淮南杜相公謝賜手詔表之至

臣某言中使闔忠信至奉宣聖旨存問兼賜臣手詔拜捧  
紫泥跪伸金簡承旨見聖神之略感恩知身命之輕臣某  
中謝臣素乏異能幸逢昌運猥當旄鉞之寄未靖妖氛榮  
分台鼎之名何階啟沃竊位斯久速尤是虞豈謂元化曲

成鴻私薦及特紆睿思親灑僊毫降自九天粲然五色初  
喜麗天之象遠燭輝光旋驚垂露之蹤曲覃霈澤鸞鶴迴  
翔而變態煙雲舒卷以呈姿賦彩飛文聳神蕩目恭惟國  
寶何幸家藏感極涕零莫知上答應緣軍旅庶務謹具別  
狀奏聞無任欣戴屏營之至

謝授分司表

臣某言伏奉今月十九日制書授臣太子賓客分司東都  
者寵命自天戰越無地臣某中謝臣發迹書生以文爲業  
出身入仕四十餘年頃自集賢學士出守吳郡面辭之日

親承德音念百姓水潦之餘示微臣政理之法臣祇承聖  
旨夙夜竭誠閭里獲安流庸盡復猥蒙朝獎錫以金章及  
遷同州又遇歉旱悉心綏撫幸免流離今荷天慈憫臣耆  
舊列名賓護之職分局河洛之都老馬霑束帛之恩枯株  
蒙雨露之澤獲居榮秩以畢餘年顧此微軀實爲厚幸伏  
以臣始爲御史逮事德宗今忝官僚幸逢聖日舉四海之  
內賢能則多求六朝之臣零落將盡雖迫桑榆之景猶傾  
葵藿之心無任感恩惕抃之至

代杜司徒乞朝覲表



臣某言臣聞事君之道有犯無隱懇誠所至敢不罄陳伏  
惟聖明俯賜矜察臣某中謝臣代受國恩忝承門蔭脫巾  
筮仕敢期榮名陳力效官靡樹聲績始因孤直驟歷清班  
復荷朝獎作藩外府遠違輦下十有四年恪守淮濱於今  
一紀犬馬戀主寢興匪遑蒲柳易衰遲暮俄及竊位時久  
妨賢愧深况歷任以來四十八考祇奉朝謁時讒二週服  
勤郡府荏苒垂老屏營魏闕之思夢想承明之迹如迫餒  
寒不忘衣食伏惟睿鑒俯亮愚衷早賜擇人與臣爲替交  
受之際冀無可虞然後脂車奔赴京輦微願斯畢雖死猶

生臣頃以戎務方殷猥加宰輔今既事罷實慚此名為有  
藩鎮同時未敢輕上印綬伏以聖朝赫奕左右惟賢漢愧  
得人周慚多士臣才略既短齒髮且衰柄用之地甘心自  
絕所冀退歸舊里沐浴皇風絕鐘鳴漏盡之譏展維桑與  
梓之敬匪惟名器不假實貴骸骨獲全知止之心神祇可  
鑒無任悃款怔營之至

為淮南杜相公請赴行營表

臣佑言臣自守淮濱已周星紀虔奉朝典麤安遐方素效  
未聞新恩薦及身曳兩綬寄深一隅蚊蚋負山力誠不足

鷹鷂逐鳥志則有餘臣再授兵符夙參軍幕被堅執銳雖  
未經於戎行受制代謀亦嘗習於事業自忝藩翰屬時清  
平無施汗馬之勞但詠櫜弓之什今則幸遇殊獎委之專  
征以身率先是臣素志况聞徐州士眾本無叛心倉卒之  
間危疑至此臣請自臨疆場親領紀綱裂帛繫書諭其禍  
福椎牛饗士養以威聲冀宣皇風煦茲蠢類以忠義感脅  
從之伍以舍宏安反側之徒革面悛心期乎不日其揚州  
留務請令行軍司馬路應權知伏乞聖慈俯賜昭鑒

爲淮南杜相公論西戎表

臣佑言臣一辭闕庭已經二載官當重任身受厚恩旣懷  
子牟戀闕之心又負臧文竊位之責思所以歌頌聖德俾  
補箴規塵露至微不任懇迫臣遠祖詩顯名漢代出牧南  
陽讜言善策隨事獻納忠醇之至聞於中外遺風可襲有  
激愚衷臣是以輒竭聞見麤陳梗概雖不盡陛下聖明萬  
分之一然臣子之心有直必獻伏惟皇帝陛下德合天地  
道躋文武弛張普博上法陰陽氣均生成人霑亭育凡是  
氛沴覆以春和銷除容納皆如聖意寬宥肆赦實賴皇明  
河中誅鋤不勞兵革淮右底定不戮一人慶浹萬邦事出

千古近又西戎背約寇犯王師陛下宏貸豺狼矜其兇悍  
布以恩澤果此知慙功因德成不以兵革故詩云獫狁孔  
熾書稱蠻夷猾夏臣觀自古帝王不忍小忿貽大患故竭  
耗中國盡心邊陲至必滅昆明之城平大宛之種豈足發  
輝皇猷增榮簡冊故賢哲之論薄衛霍之功陛下鏡歷代  
無益之端修大君文德之教遂得北狄深藏五城晏閉百  
蠻嚮化四海無虞惟此小蕃尚迷聖教陛下示之大信宏  
以舊恩雖關防暫驚而烽燧旋罷臣負恩方鎮初懼寇戎  
正於憂迫之時果聞仁聖之諭攘却兇孽不勞干戈臣靜

思遠圖爲國久計莫若存信施惠多愧其心歲通玉帛待以客禮昭宣聖德擇奉誼之臣恢拓皇威選謹邊之將積粟塞下坐甲關中以逸待勞以高御下重以金玉之贈結以舅甥之歡小來則慰安大至則嚴備明其斥候不撓不侵則戎狄爲可封之人沙場無戰死之骨若天下無事人安歲稔然後訓兵命將破虜摧衡原州營田靈武盡復舊地通使安西國家長算悉在於此計熟事定舉必有功苟未可圖豈宜容易此皆陛下朝夕倦談之前事後立驗之謀臣質性頑疎籌畫庸近受恩非據敢忘獻忠犬馬之心

實所罄盡謹遣某官奉表

爲淮南杜相公論廢楚州營田表

臣某言中使曹進玉至奉宣聖旨存問兼賜臣墨詔以楚  
州營田廢置事令臣商量奏來者跪捧天書恭承睿旨道  
存致用義在隨時云云伏以本置營田是求足食今則徒  
有糜費鮮逢順成刈穫所收無裨於國用種糧每闕常假  
於供司較其利害宜廢已久比來循守舊制不敢輕有上  
陳皇明鑒微特革斯弊取其田蓄授彼黎蒸仍俾薄租誠  
爲至當但以田數雖廣地力各殊須量沃瘠用立程度臣

已追里正與商量利便謹具別狀奏聞伏惟聖慮俯賜詳  
擇無任震越屏營之至

夔州論利害第一表

臣某言伏準元和十二年四月十八日敕諸州刺史如有  
利害可言者不限時節任自上表聞奏者臣伏見貞觀中  
詔許羣臣各上書言利便馬周時一布衣遂因中郎將常  
何獻策二十餘事太宗深奇之盡行其言擢周爲御史至  
龍朔中璧州刺史鄧宏慶進平素看精四字堪爲酒令高  
宗嘉之亦行其言遷宏慶爲朗州刺史則知苟有所見雖



布衣之賤遠守之微亦可施用况臣早受國恩德宗朝忝  
爲御史逮今厯事四聖頻領藩條當陛下至明之時是微  
臣竭節之日伏以守在遐郡不敢廣有所陳準敕上利害  
及當州公務各具別狀奏聞伏乞聖慈俯賜昭鑒無任感  
激屏營之至謹差當州軍事衙官守易州安義府別將員  
外置同正員雲騎尉馮隨謹奉表以聞

夔州論利害第二表

臣某言伏準今年四月五日德音宜令諸道觀察使刺史  
各具當處利害附驛以聞者伏惟皇帝陛下睿哲自天纘

承列聖善述先志發揚德音率土人臣不勝慶幸臣虔奉  
詔旨宣示蒸黎伏以華夏不同事宜各異詳求利病謹具  
奏聞伏乞聖慈俯賜昭鑒臣伏覽國史竊見開元十八年  
朝集使至京元宗臨軒親問利害時宣州刺史裴耀卿上  
便宜事論轉運甚詳竟不行下至二十一年耀卿爲京兆  
尹再以前奏論方見允納比及三年漕運七百萬石省脚  
費三十餘萬貫當耀卿前不見納必有人非之及後數年  
方展其效臣僻守遠郡敢望言行祇奉詔書或冀萬一伏  
逢明主擇之無任懇悃屏營之至

欽定全唐文卷六百三日錄

劉禹錫

五

奏記丞相府論學事

爲京兆李尹降誕日進衣狀

爲京兆韋尹降誕日進衣狀

爲京兆韋尹進野豬狀

爲裴相公進東封圖狀

爲杜相公自淮南追入長安至長樂驛謝賜酒食

狀

代杜相公謝就宅賜食狀

代淮南杜司徒奏新羅請廣利方狀

爲東都韋留守謝賜食狀

舉崔監察羣自代狀

舉開州柳使君公綽自代狀

舉姜補闕倫自代狀

蘇州舉韋中丞自代狀

蘇州上後謝宰相狀

蘇州加章服謝宰相狀

汝州上後謝宰相狀

汝州舉裴大夫自代狀

汝州進鷹狀

同州舉蕭諫議自代狀

上宰相賀德音狀

上宰相賀改元赦書狀

薦處士嚴恣狀

薦處士王龜狀

上杜司徒書

獻權舍人書

蘇東坡

蘇東坡

蘇東坡

蘇東坡

蘇東坡

蘇東坡

蘇東坡

蘇東坡

欽定全唐文卷六百三

劉禹錫五

奏記丞相府論學事

十一月七日使持節都督夔州諸軍事夔州刺史劉某謹

奏記相公閣下凡今能言者皆謂天下少士而不知養材

之道鬱堙而不揚非天不生材也亦猶不耕者不歎廩庾

之無餘非地不產百穀也伏以貞觀中增築學舍千二百

區生徒三千餘人時外夷上疏請遣子弟入附於三雖者

五國雖菁菁者莪育材之道不足比也今之膠庠不聞弦

歌而室廬圯廢生徒衰少非學官不欲振學也病無貲財以給其用鰥生今有一見使大學立富幸遇相公在位可以索言之禮云凡學官春釋奠於其先師斯禮止於辟廡頽宮非及天下也今四海郡縣咸以春秋上丁有事孔子廟其禮不應於古且非孔子意也炎漢初定羣臣皆起屠販爲公卿故孝惠高后之間置原廟於郡國逮孝元時韋元成以碩儒爲丞相遂建議罷之夫以子孫尚不敢違禮以饗其祖况後學師先聖之道而首違之乎祭義曰祭不欲數語云祭神如神在與其煩於舊饗孰若行其教道今



夫子之教日頽靡而以非禮之祀媚之斯儒者所宜憤悱也竊觀厯代無有是事皇家武德二年詔於國學立周公孔子廟四時致祭貞觀十一年又詔修宣尼廟於兗州至二十年許敬宗等奏乃遣天下諸州縣置三獻官其他如方社敬宗非通儒不能稽典禮開元中元宗饗學與儒臣議繇是發德音其罷郡縣釋奠牲牢唯酒脯以薦後數年定令時王孫林甫爲宰相不涉學委御史中丞王敬從校刊之敬從非文儒遂以明衣牲牢編在學令是首失於敬宗而終失於林甫習以爲常罕有敢非之者謹按本州四

縣一歲釋奠物之直緡錢十六萬有奇奉天下之郡縣當  
千七百不啻羈縻者不在數中凡歲中所出於經費過四  
千萬適資三獻官飾衣裳飴妻子而已於尚學之道無有  
補焉前日詔書許列郡守臣待以上言便事今謹條奏某  
乞下禮官博士詳議典制罷天下縣邑牲牢衣幣如有生  
徒春秋依開元敕旨用酒醴服脩牖牖榛粟示敬其事而  
州府許如故儀然後籍其資半附益所隸州使增學校其  
半率歸國庠猶不下萬計築學室具器用豐簋食增掌固  
以備使令凡儒官各加稍食其紙筆鉛黃視所出州率令

折入學徒既備明經日課繕書若干紙進士命讎校亦如  
之則貞觀之風粲然不殊其它郡國皆立程督投紱懷璽  
棧樸菁莪良可詠矣伏惟相公發迹咸自諸生其尊素王  
之道儀刑四方宜在今日是以小生敢沿故事以奏記於  
左右姑舉其大較至於證據纖悉條奏具之章下之日乞  
留神省察不勝大願惶恐拜手稽首

為京兆李尹降誕日進衣狀

衣一副四事云云右伏以水德方清真龍下降天長地久  
瞻北極以常尊獻壽稱觴配南山而永固臣地叨宗屬職

金定全唐文 卷六百三  
三  
忝尹京慶賀之誠倍萬常品前件衣服謹詣銀臺門奉進  
輕瀆旒宸伏用兢惶

爲京兆韋尹降誕日進衣狀

衣一副四事黃折造衫一領白吳綾汗衫一領白花羅半  
臂一領白花羅袴一腰右伏以正陽令月誕聖嘉辰運協  
千年慶流萬國凡在臣子合有獻陳敢傾就日之心願奉  
如山之壽輕瀆宸宸無任兢惶

爲京兆韋尹進野豬狀

右伏以收穫之餘田獵有獲異於芻豢著在方書旣堪充

庖輒敢上獻前件野豬謹隨狀進謹奏

具官臣為裴相公進東封圖狀

官顯臣今各出自官大官

集賢殿御書院開元東封圖一面右臣謹按開元十三年  
元宗皇帝以天下太平登封東嶽聲名文物振耀古今伏  
惟陛下丕承耿光再闡鴻業祖宗盛事紹復有期臣所以  
寫成此圖輒敢上獻至於繪畫躬自指撝徵史氏之文纂  
禮容之要山川氣象悉擬真形羽衛威儀咸稽故實所冀  
睿情一覽遐想元蹤臣叨榮過深抱疾已久望陛下告成  
之日心必前知嗟老臣將謝之年身恐不見疲羸之際感

激倍深前件圖差某官乙謹詣光順門奉進謹奏

睿計一為杜相公自淮南追入長安至長樂驛謝賜酒食

野容之要狀

伏以某官奉宣聖旨賜臣酒

具官臣某右臣今日至長樂驛高品某奉宣聖旨賜臣酒  
食者伏以恩降王人榮分御膳未展儀於雙闕先受賜於  
八珍品越脈膳味兼醪醴頓驚凡口倍益歡心無任欣躍

某官代杜相公謝就宅賜食狀

伏以某官奉宣聖旨賜臣酒

具官臣某右高品某乙奉宣聖旨賜臣食者出自大官飫  
於私第光榮曲被猥承推食之恩駑蹇未施益重素餐之

責舉其七筋若負邱山無任戰荷踊躍之至

日蒙恩代淮南杜司徒奏新羅請廣利方狀

淮南節度觀察處置等使敕賜貞元廣利方五卷右臣得  
新羅賀正使怵如言狀稱請前件方狀一部將歸本國者  
伏以纂集神效出自聖衷藥必易求疾無隱狀搜方技之  
祕要拯生靈之天瘡坐此華胥咸躋仁壽遂令絕域逃聽  
風聲美茲豐功爰有誠請以其久稱藩附素混卓書航海  
獻琛既已通於華禮釋疴蠲癘豈獨隔於外區正當四海  
爲家冀覩十全之效臣卽欲寫付未敢自專謹錄奏聞

爲東都韋留守謝賜食狀

具官臣某右臣今日發至長樂驛中使某奉宣聖旨賜臣  
食者伏以味兼海陸品溢圓方降自御廚光臨傳舍臣初  
辭魏闕倍懷犬馬之誠猥受珍羞更切稻粱之感無任欣  
躍

舉崔監察羣自代狀

御史臺宣歙池等州都團練判官監察御史裏行崔羣右  
臣蒙恩授監察御史伏準建中元年正月五日制常參官  
上後三日舉一人自代者伏以前件官在諸生中號爲國



器繫維外府人咸惜之臣既深知敢舉自代

舉開州柳使君公綽自代狀

尚書屯田某官等守開州刺史柳公綽右臣蒙恩授尚書  
屯田員外郎伏準建中元年正月五日制常參官上後三  
日舉一人自代者伏以前件官以賢良方正再敷王庭在  
流輩間號爲端士昨除遠郡人皆惜之臣初蒙授官得以  
論薦多士之內非無其人竊惟用材宜自遠始謹具如前  
謹錄奏聞伏聽敕旨

舉姜補闕倫自代狀

東都尚書省前左補闕姜倫右臣蒙恩授尚書主客郎中  
分司東都伏準建中元年正月五日敕常參官上後三日  
舉一人自代者臣伏詳詔旨欲達聰旁求發揚幽遠故人  
人得言所知不當循其階次也臣伏以前件官有儒學士  
行蒙以諫官徵會其年老被疾不堪上道有司按視如狀  
不復逼迫至今家居而篤志無倦臣謹舉爲郎吏分司別  
都冀優賢振滯兩得其道

蘇州舉韋中丞自代狀

蘇州狀上中書門下諸道鹽鐵轉運江淮留後朝議郎守

太僕少卿兼御史中丞上柱國賜紫金魚袋韋應物右臣  
蒙恩授蘇州刺史伏準建中元年正月五日制刺史上後  
舉一人自代者前件官歷掌劇務皆有美名執心不回臨  
事能斷今領職雖重本官尚輕伏以當州口賦首出諸郡  
况經災沴切在撫綏尚省無能輒敢公舉司權筦之利誠  
藉時才流豈弟之風實惟邦本非敢臆說以塞詔書今具  
奏聞

蘇州上後謝宰相狀

朝議大夫使持節蘇州諸軍軍事守蘇州刺史上柱國劉某

右某今月六日到州上訖某山東一書生潦倒踈濶在少  
壯日猶不逮人况今衰遲智力愈短相公哀憐不遇擢授  
名邦實荷宏獎慚非器使伏以當州繇大濩之後物力蕭  
然肌寒殞仆相枕於野誓當悉心條理續具奏論才術素  
空憂勞方始懼無聞問忝負恩知不任瞻望懇迫之至

蘇州加章服謝宰相狀

右某素乏吏才謬居劇郡以無庸之器當難治之時恭守  
詔條勤勤心瘼伏以聖德柔遠皇明燭幽凡有上陳皆可  
其奏遂令管見得及疲黎自承雨露之恩非有循良之政

猥蒙朝獎特降命書顧縫掖之腐儒被華章之貴服有黷  
陟明之典誠招彼已之譏限以守官不獲拜謝瞻望榮感  
心魂載馳

汝州上後謝宰相狀

朝議大夫使持節汝州諸軍事守汝州刺史兼御史中丞  
充本州防禦使上柱國賜紫金魚袋劉某右某自領吳郡  
仍歲天災上稟詔條下求人瘼地包藪澤俗尚剽輕悉心  
撫綏用法擒擿事繁才短常積憂虞忽蒙天恩稍移近郡  
家本榮上籍占洛陽病辭江干老見鄉樹榮感之至實倍

常情印綬所拘不獲拜謝瞻望德宇精誠坐馳無任感戀  
之至

汝州舉裴大夫自代狀

正議大夫使持節杭州諸軍事守杭州刺史上柱國賜紫  
金魚袋裴宏泰右臣蒙恩授汝州刺史兼御史中丞充本  
州防禦使伏準建中元年正月五日敕諸州刺史上後舉  
一人自代者伏以前件官前為九卿出領兩鎮頃因微累  
遂有左遷今授遠州物情未塞臣前任鄰接具知公才舊  
屈木侁輒舉自代

同州防禦使進鷹狀

汝州防禦使當使進奉籠母鷹六聯右伏以前件鷹等學  
習應期馴養斯至列於常貢有異眾禽受繼之時志已存  
於雲外下韝之際思用展於軍前既懷百中之能願獻三  
驅之禮謹差防禦押衙景再休隨狀奏進以聞

同州舉蕭諫議自代狀

同州防禦使前諫議大夫蕭俶右臣蒙恩授同州刺史兼  
御史中丞充本州防禦長春宮等使伏準貞元二年正月  
二十四日敕上後三日舉一人自代者伏以前件官生於

貴族伏膺儒門搢紳之間號爲端士昨蒙朝獎冠於諫垣  
時方被病不果上道長告已滿塊然家居今聞疾瘳可以  
錄用臣與倣久同班列知其材能爲官擇人敢舉自代

上宰相賀德音狀

同州狀上中書門下今月十六日德音右被刑部牒宣示  
德音伏以聖澤滋深新恩廣被言念正刑之外或有註誤  
之徒爰降殊私特宏在宥瑕累咸滌危疑獲安此皆廟算  
弼諧致君及物事光前史功格上元某限以守官不獲隨  
例拜賀無任忭躍之至



上宰相賀改元赦書狀

同州狀上中書門下改元赦書右伏奉今月一日制書改  
大和十年爲開成元年大赦天下者伏以律首三元禮崇  
四始順陽和發生之德敷大號渙汗之恩宥過恤刑弛征  
已責盡去人瘼通知物情德音朝發於九天和氣夕周於  
四海此皆相公弼諧之道燮贊之功進熟於密勿之間發  
揚成滂沛之澤某恪守官業印綬所拘不獲隨例拜賀

薦處士嚴恣狀

處士嚴恣右左庶子損之之孫國子司業士元之子舊名

保嗣亦有官班頃者李賓客渤常與之游辟爲桂州支使  
其後寄家汝海專靜自居某常典汝州與語甚熟歷代史  
及國朝故事悉能該通操心甚危觀跡相副未逢知己已  
過壯年汨沒風塵有足悲者伏見赦文節目委州郡長吏  
搜訪隱淪夫舉無它唯善所在每覽珠英卷後列學士姓  
名有常州人符鳳白衣在選取其藝業不棄遠人某忝被  
儒官得以薦士亦非出位冀不廢言儻宏文集賢史氏之  
館采其實學有勸諸生伏以桂州辟之於前某薦之於後  
豈必有土長吏然後事行伏惟試味斯言降意詳擇謹狀

薦處士王龜狀

處士王龜古者選公族大夫必以惇惠者教之文敏者道  
之果敢者諗之鎮靜者循之孜孜於此者蓋膏梁之性難  
正而懼公侯之允不能嗣其耿光可以深惜然則成宣之  
後而老爲大夫非恥乎此智武子誠文子旣冠而見之詞  
也是知古之取士不專寒族必參用世胄以廣得人之路  
今見處士王龜卽居守之第三子也天性貞靜操心甚危  
不由門資誓志自立樂處士之號不汨綺襦之間自到洛  
都便居山寺耽玩墳籍放情煙霞曾邀與語如鋸木屑信

有稟受居然出羣以比在京師甚足知者諫院有狀名流  
亟言某流滯周南靜閱時輩身雖不用心甚愛才况遇相  
公持衡敢有所啟誠懸之下輕重難欺伏惟深賜詳擇知  
卿族之內有遺逸焉謹狀正議大夫檢校禮部尚書兼太  
子賓客分司東都劉某狀

上杜司徒書

月日故吏守朗州司馬員外置同正員劉某謹齋沐致誠  
命僕夫持書敢獻於司徒相公閣下昔稱韓非善著書而  
說難孤憤尤爲激切故司馬子長深悲之爲著於篇顯白

其事夫以非之書可謂善言人情使逢時遇合之士觀之  
固無以異於它書矣而獨深悲之者豈非遭罹世故益感  
其言之至邪小人受性顛蒙涉道未至末學見淺少年氣  
麤常謂盡誠可以絕嫌猜徇公可以弭讒愬謂慎獨防微  
爲近隘謂艱貞用晦爲廢忠芻狗已陳刻舟徒識罟獲隨  
足悵然無知事去凝想時時自笑然後知韓非之善說司  
馬子長之深悲跡符理會千古相見雖欲勿悲可乎大凡  
恆人之所以靈於庶類以其能羣以勝物也烈士之所以  
異於恆人以其仗節以死誼也然則交相喪者世與道難

合并者機與時是以有死誼之心而卒不獲其所者世人  
悲之獲其所矣而一旦如不得終焉者君子悲之世人之  
悲悲其不遇無成而虧故其感也近君子之悲悲其不幸  
既得而喪故其感也深其悲則同其所以爲悲則異若小  
人者其不幸歟間者昧於藩身推致危地始以飛謗生釁  
終成公議抵刑旬朔之間再投裔土外黷相公知人之鑑  
內貽慈親非疾之憂常恐恩義兩乖家國同負寒心銷志  
以生爲慚雖欲瀝血以自明籲天以自訴適足來衆多之  
誚豈復有特達見知者耶遂用詛盟於心不獲自白以內

咎爲弭謗之具以吞聲爲室隙之媒庶乎日月至焉而是  
非乃辨會友人江陵法曹掾韓愈以不幸相悲且曰相國  
扶風公之遇子也厚非獨余知之天下之人皆知之矣余  
聞初子之橫爲口語所中獨相國深明之及不得已而退  
則爲之流涕以訣又不得已而譴則爲之擇地以居求之  
於今難與侔矣抑余又聞曩子之介於司徒府奉誠敬於  
山園上公亟稱於人以爲不懈於位今則有修儀以贊其  
詔相者有備物以贊其容衛者七月禮畢一朝慶行誥言  
敷之授以顯秩子獨足趾一跌而前勞併捐祝網之辰動

絳疎目可封之代乃爲窮人斯常情之所悲矧知子之厚者夫踣者思起必諄而求拯疾者思愈必呻而求醫子宜諄於有力而呻於有術如何以箝口自絕爲智以甘心受誣爲賢嗛然自咎求知於默彼李斯逐焉而爲上卿鄒陽囚焉而爲上客二子者豈默以求知者邪若可訴而不言則陷於畏可言而不辯則鄰於怨畏與怨君子之所不處子其處之哉韓生之言未及竟而小人不知感從中來始赧然以愧又缺然以慄終悄然以悲悲斯歎歎斯憤憤必有泄故見乎詞敢聞左右投所閱也嗟夫人之至信者心



目也天性者父子也不惑者聖賢也然而於竊鈇而知心  
目之可亂於掇蜂而知父子之可間於拾煤而知聖賢之  
可疑况乎道謝孔顏恩異天性是非之際愛惡相攻爭先  
利途虞相軋則釁起希合貴意雖無嫌而謗生魯酒致邨  
鄆之圍飛鳶生博者之禍伯仁之殺由偶對伯奢之冤以  
器聲動罹險中皆出意表雖欲周防亦難曲施加以吠聲  
者多辨實者寡飛語一發臚言四馳萌芽始奮枝葉俄茂  
方謂語怪終成禍梯嗚呼人必求知不能自達何投分效  
節有積塵之難何譖行愛弛有決防之易何將進之日必

自見其可而後親何將退之時乃人言其否而遂棄良由  
邪人必微邪謀必陰陰則難明微則易信罔極大甚古今  
同途是以前修鑒其若此姑以推心取信不以循迹生嫌  
由是求忠臣於孝子求良婦於罵已食子盡節也推其忍  
可以疑心放麝違命也推其仁可以屬國若謂其孝於親  
未必能忠專於夫未必能貞忍於子未必能忍於其它仁  
於獸未必能仁於其類則是天下之人盡不可信而盡可  
誣固不然也凡人之行已必恆於所安苟非狂易不能甚  
異小人自居門下僅踰十年未嘗信宿而不侍坐率性所

復固無遁逃言行之間足見真態伏惟推心以明其迹追  
往以鑒於今苟謂其嘗掩人以自售矣嘗近名以冒進矣  
嘗欺謾於言說矣嘗沓貪於求售矣嘗狎比其瑣細矣嘗  
媒孽其僚友矣嘗矯激以買直矣嘗諂譎以取容矣嘗漏  
言於咨諏矣嘗敗務以簿書矣有一於此雖人謂其賢我  
得而刑也豈止於棄乎苟或反是雖人謂其盜我得而任  
也庸可而棄乎由是而言小人之善否不在眾人所以受  
譴已還行及半歲當食而歎聞強尚驚不以眾人之善爲  
是非唯以相公之意爲衡準自違間左右亟蒙簡書慰誨

勤勤窮頓增感伏想仁念必思有以拯之况禮道貴終人  
情尚舊嘗盡其力必加以仁於犬馬之微有帷蓋之報願  
異於是豈無庶幾儻浮言可以事久而明眾嗤可以時久  
而息宏我大信以祛羣疑使熒熒微志無已矣之歎覲乎  
異日得夷平民然後裹足西向謝恩有所復以塵纓黧貌  
稱故吏於相門此言朝遂可以夕死何則復於變者其義  
拯於危者其感深睽而後合示終不可睽也否而後泰  
不及否也獲寶於已喪得途於既迷與夫平居不爲  
所激者其味異矣伏以大君繼明元宰柄用鴻鈞播

平分之氣懸象廓無私之照渙汗大號與人惟新昭回汪  
濊旁下郡國投荒爲民者咸釋拳桎遂還里閭繫於稍食  
猶在羈絆伏讀赦令許移近郊今武陵距京師贏二千者  
無幾小人祖先壤樹在京索間瘠田可耕陋室未毀濡露  
增感臨風永懷伏希閱其至誠而少加推恕命東曹補吏  
置籍於滎陽伍中得奉安輿而西拜先人松楸誓當齎志  
沒齒盡力於井臼之間斯遂心之願也如或官謗夫塞私  
欲未從雖爲裔民乃有善地則北距澧浦資宿舂而可行  
無道途之勤蠲僕賃之費重以鎮南用和輔理扇仁風於

上游霽嚴施惠得以自遂斯便家之願也伏惟降意詳察  
擇可行者處之乞恩於指顧之間爲惠有生成之重雖百  
穀之仰膏雨豈喻其急焉嗟哉小生仕逢聖日豈曰不辰  
知有相居豈曰不遇而乘運鍾否俾躬罹災同生無手足  
之助終歲有病貧之厄孰不求達而獨招嫌孰不求安而  
獨乖次賦命如此雖悔可追湘沅之濱寒暑一候陽雁纔  
到華言罕聞猿哀鳥思啁啾響異莫夜之後併來愁腸懷  
鄉倦越吟之苦舉目多似人之喜俯視遺體仰安高堂悲  
愁惴慄常集方寸盡意之具固不在言身遠與寡捨茲何

訖是以因言以見意恃舊以求哀敢希末光下燭幽蟄孤  
志多感重恩難忘顧瞻門館慚戀交會伏紙流涕不知所  
云禹錫惶悚再拜

獻權舍人書

禹錫在兒童時已蒙見器終荷薦寵始見知名眾之指目  
忝閣下門客懼無以報稱故厚自淬琢靡遺分陰乃今道  
未施於人所蓄者志見志之具匪文謂何是用顛顛懇懇  
於其間思有所寓非篤好其章句沈溺於浮華時態眾尚  
病未能也故拙於用譽直繩朗鑒樂所趨也故銳於求益

今謹錄近所論撰凡十數篇斬端較是非敢關於左右猶夫礦朴納於容範嘗聞昔宋廣平之沈下僚也蘇公味道時爲繡衣直指使者廣平投以梅花賦蘇盛稱之自是方列於聞人之目是知英賢卓犖可外文文字然猶用片言借說於先達之口席其勢而後驤首當時矧碌碌者疇能白異今閣下之名之位過於蘇公之曩日而鄙生所賦或鉅於梅花則沈泥干霄懸在指顧間其詞汰而喻僭誠黷禮也繫游藩之久覲尚舊而霽嚴禹錫惶悚再拜